

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Persicum regnum

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

Perficum Regnum. Sive Sophorum Imperium.

Regio.

Situs.

Soli fertilitas.

Imperium majorem.

Perficum sive Sophorum Imperium, uti olim celebre, sic etiam hodie maxime clarum est. Ejus Incolæ Persæ. Vocantur & *Ayami* vel *Azami* ab *Azami* regno, quæ quondam Assyria secundum nonnullos: *Persiani* a *Perside*. *Cheselbas* a pileo rubro quem impositum capiti gestant. *Sophiani* a *Sopho* principe. Situm autem est Perficum Regnum inter Turcicum Imperium, Tartaros Zagatheos, Cambaizæ Regnum, & inter Hyrcanum seu Caspium mare, ac Sinum Perficum. Habet igitur ab Ortum Indos, & Regnum Cambaizæ, a quo montibus ac desertis separatur: A Septentrione sunt Tartari, juxta *Abianum* sive *Oxum* fluvium: partem reliquam claudit mare Caspium. Ab occasu sunt Turcæ juxta *Tigridem* & Lacum *Giocho*: ad Aultrum Sinu Perfico adluitur, & mari Indico. Quod sane terræ spatium amplissimum est, complectitur enim plus minus gradus xxxiix ab Ortum ad Occasum. A Meridie vero ad Aultrum xx occupat. De temperie Aeris Persidis regionis sic scribit *Q. Curtius* lib. v. *Regio non alia tota Asia salubrior habetur: temperatum Cælum, hinc perpetuum jugum opacum & umbrosum, quod aestiu levat: illinc mare adjungitur, quod modico tepore terras fovet.* Regionis autem hujus universæ non eadem parsim est qualitas, non idem Solo genius. Qua Sinum Perficum spectat, ob Fluvios ipsam irrigantes: atque etiam versus mare Caspium cum ob Fluviorum oportunitatem, tum ob Aeris clementiam, auramque frigidiorum: tota felix, tota beata: & hinc omne genus Frugum, Animaliumque non benigna solum Mater, sed & Nutrix sollicita. Abundat Tritico, Hordeo, Milio, ac similibus. Metallis quoque adfluit & lapillis. Vini item & Fructuum ubertas magna *Paullo Veneto* teste. Cetera fervoribus & siccitatibus exhausta deseruntur. *Persarum* porro gens obscura prius, initium nominis ac famæ accepit a Rege *Cyro*, qui ademptum *Medis* *Lydisque* Imperium, primus in *Persidem* intulit, ac amplissimum & florentissimum ex minimo & tenuissimo Asia subacta, & universo Oriente in potestatem redactio, reliquit. Successit Patri *Cambyses*, qui *Aegyptum* imperio adjecit, a quo deinde ad *Darium* usque, qui ab *Alexandro*, Macedone victus vitam pariter cum Regno amisit, res Persicæ in suo statu manserunt. Regnatum est annos cxxx, quod *Q. Curtius* lib. quarto justissimo & ne minimum quidem fallente calculo tradidit: cui etiam adfentitur *B. Hieronymus* ad ix Caput *Danielis*. Hodie etiam Perficum Imperium quod penes *Sophos* est, inter potentissima totius Orientis Imperia numeratur: id quamquam oppressum aliquandiu modo a *Saracenis* fuit, modo a Tartaris, tamen rursus emicuit sub *Ismaele* Rege. Regiones autem Imperio Perfico subiectæ hæ sunt. *Media*, *Assyria*, *Susiana*, *Mesopotamia*, *Persis*, *Parthia*, *Hyrcania*, *Margiana*, *Bactriana*, *Paropamisus*, *Aria*, *Drangiana*, *Gedrosia* & *Carmania*. *Media* hodie *Servan* dicitur, inter Persiam & Mare Hyrcanum sita, ad Ortum Hyrcaniam habet & Parthiam, ad Occasum Armeniam majorem & Assyriam. Dividitur

PERSICVM REGNVM.



Ejus loci de
nomine
Sapientia Regna
de Regnum Cas
que Ozean Indus
scho: ad dicit
sichime etiam p
De tempore As
miam Casim in
tem in hinc. Reg
nam Persicum p
opportunity
Frugum. Anus
dilio, in hinc
scho: Contra hie
comitit ac facta
amplissimam
reductio, p
qui ab Alexand
legationem est an
sultit: cuius
od pones Sapie
tandem modo a
tempore Persicu
m, hinc, Pers
per Persiam de
scesse de As
Dicitur

Urbes.

Dividitur in Majorem sive Australem, & *Atropatiam* Septentrionalem. Hæc frigidior est, & idcirco minus culta. Urbs præcipua est *Sumachia*: sunt præterea *Derbent*, *Eres*, *Sechi* & *Giavor*. Illa cultior est: Urbem habet *Taurim* positam ad Orontis radices, distantem a Mari Caspio octo dierum itinere. Ambitus ejus pene xv i mill. pass. complectitur, quo spacio cc Civium millia contineri creduntur. Hæc sunt veterum *Ecbatana*, ubi Persarum reges æstate commorabantur. Eodem tractu terræ sunt *Turcoman*, *Saru*, *Sultan*, *Nasivam*, *Ardovil*, *Marant*. *Assyria* quæ hodie *Arzerum*, ad Ortum habet Mediam: ad Occasum Mesopotamiam: Armenia illi Septentrionalis est, Sufiana Australis. Provincias olim habuit *Arrapachitem*, *Adiabenam*, & *Sittacenam*: Urbem *Niniven* ad Tigrim, cujus ambitus lx mill. pass. complectebatur, *Sufiana* hodie *Chus* vel *Cusistan* appellatur: nomen habet a *Sufis*, urbe primaria, cujus ambitus xv. mill. pass. quæ sic dicta a floribus, ut notat Athenæus: Sufum enim Persis Lilius. Mesopotamia, quæ in factis *Padan Aram*, hodie dicitur *Diarbecha*, sita est inter Euphratem & Tigrim, unde & nomen, quasi *Interamma*. Regio est pro situ & tempore varia: partem flumina impingunt: pars arida est & sterilis, herbis arboribusque destituta. Urbes præcipuæ sunt, *Orsa*, cujus ambitus vi i mill. pass. & hac ipsa multo major *Caramit*. Metropolis Mesopotamiæ, quam *Selymus* Turcarum Imperator Sophis eripuit. *Merdin* sedes Patriarchæ Chaldaeorum: & *Mofus* Patriarchæ Nestorianorum, cujus auctoritas ad Indos usque & Cataium extenditur. In *Perside* quam nunc *Farsi* vocant vel *Farsistum* urbs est primaria *Siras*, quæ olim dicta fuit *Persopolis*, regia quondam Magorum sedes. Plinius vocat Persici Regni caput, & Regiam totius Orientis Curtius. *Hircania* hodie *Gorgian* dicitur vel *Corcam* vel *Dargument*, proxima Mari Caspio, quod propterea etiam Hircanum appellatur. Urbes habet *Hircanam* quæ Scythiis est *Cavizab*, *Bestans*, & *Masandram*. *Margiana* quæ nunc *Iselbas* nominatur, ad Septentrionem Oxo fluvio terminatur. Urbs præcipua est *Sodion* quæ præcis *Antiochia* fuit. *Bactriana* hodie *Bater* vel *Charassau* est Tartariæ Zagatheæ pars. Urbes sunt *Bactra* quæ nunc *Bochara* & *Istigias*. *Paropamissus* Bactrianae pars est ad Montem *Paropamissum*. Hodie regio vocatur, *Candahar* vel *Amblesiam*. Primaria urbs est *Candahar* Emporium celeberrimum. *Aria* quæ a Metropoli sua *Eri* omnis vocatur ambitum xlii mill. pass. habet. *Carmania*, *Carcam* vel *Chermian* ad Mare Indicum protenditur, usque ad *Gedrosiam*, urbibus & Portubus frequentibus. Metropolis est *Chirmian*. Sunt & in Carmania regna *Macran*, *Eracam*, *Guadel* & *Patani*. *Gedrosia* nonnullis creditur esse *Guzarate* falso, quum *Guzarate* sit ipsum regnum Cambaie. *Babylonia* inter Sinum Persicum & Mesopotamiam sita, dextra lævaque clauditur Sufiana & Arabia deserta: Nomen habet a *Babylone* urbe primaria. Adhæret ei Chaldaea. In Chaldaea Urbs fuit, Iosepho *Ura*, unde Dei monitu *Abrahamus* in *Harani* Mesopotamiæ migravit. Multos habet hoc Regnum *Fluvios*, *Canac*, *Araxem* & *Cyrum* qui Mediæ partem Septentrionalem abluunt: In Assyria *Tygrum*. In Sufiana *Enelæum*: In Mesopotamia *Euphratem*: In Margiana *Oxum*, *Arium*, & *Margim*: In Bactriana *Ochum* navigabilem & alios: In Aria *Arium*. *Tonclesum*, *Arapencum*: & alios. Nec desunt *Montes*, inter quos *Orontes*

Flumina.

Montes.

in

PERSICVM REGNVM.

625

in Media, Mons *Coronus* in Hyrcania. *Taurus* item qui Persiam mediam fecat, variis pro populorum adjacentium Situ nominibus insignis. *Sylvas* etiam habet multas, inprimis Parthia quæ nemorosa valde est, ac Septentrionalis Hyrcaniz pars quæ Sylvas habet immensas, Quercu, Pinu, & Abiete refertas, atque immanibus Feris plenas, Tigribus, Pantheris & Pardes. Aria etiam Silvis ac Montibus obsessa est, ut & Persis tota. Ad Opera publica quod attinet, multa in hoc Regno superba & magnifica fuere, & potissimum in Babylonia. Inprimis vero occurrit Pons ille magnificentissimus in Vrbe Babylone a Semiramide Regina super Euphratem constructus, de quo vide Munsteram lib. v. Idem Horrum pensilem a Semiramide constructum describit, eodem libro. In Susiana in Vrbe Susa Arx fuit, *Medorum Regis Domus*, quam, ut est apud Casiodorum, *Mennon arte prodiga illigatis auro lapidibus fabricavit*: hanc inter fabricarum septem terris attributa miracula, idem numerat. Sed de his satis, ad Mores venio. Reges creabant ex una familia. Qui Regi non parebat, capite & brachiis amputatis infepultus abjiciebatur. Vxores ducebant singuli multas, alebantque sobolis propagandæ gratia, pellicesque plurimas. De rebus maximis non nisi inter pocula consultabant, eam demum consultationem firmiorem rati quam quæ a sobriis fit inita. Noti inter se & æquales osculo se in occursum excipiebant. Qui humilioris erant fortunæ, venientem adorabant. Solo sepeliabant corpora, cera oblinentes. Ridere coram Rege aut spuere, nefas ducebant & flagitium. De mortuis sepeliendis alii contrarium scribunt, nempe Persas corpora defunctorum extra civitates ad certum campestem locum extulisse, ibique nuda exposuisse a Canibus & Avibus devoranda. Noluisse insuper ut ossa mortuorum sepelirentur aut includerentur. Cumque corpus aliquod non illico absumeretur ab Avibus aut Feris, judicabant malum esse signum, superstitione credentes Hominem illum malæ & impuræ fuisse mentis, atque ob id dignum inferno, & proximi ejus plangebant ipsum ceu hominem qui post hanc vitam nullam haberet spem felicitatis. Sin citius devoreretur a bestiis, beatum eum judicabant. Hodie Mores Persarum multo sunt molliores, quam vel Turcarum, vel Tartarorum, vel Saracenorum. Natura liberales sunt & civilitatis amantes: & Literas & Artes colunt, inprimis vero Astrologiam, Medicinam ac Poesin. Apud hos Fratres, ac Parentes humanissime tractantur: & Nobilitas Sanguinis in pretio est: in quo a Turcis differunt, qui nullum Sanguinis aut Stemmatum discrimen norunt. Præterea advenas benigne accipiunt ac tractant: sed tamen zelotypiæ morbo vehementer laborant. Unde uxores in advenarum conspectum venire non sinunt, licet alioquin illas venerentur, contra Turcarum morem, qui uxores Mancipiorum loco habent. Mulieres autem Persicæ formosæ admodum sunt. Artes Mechanicæ & inprimis Sericorum pannorû textura apud eos nunc viget, qui per universam Syriam ac alias Orientis regiones distrahuntur. Fructibus Terebinthi olim, glandibus, pyris agrestibus vescabantur: quotidianus cibus post cursum, ceterasque corporis agitationes panis durissimus, aqua potus. Fervent apud eos Mercimonia Vnionum, Margaritarum, Aromatum & inprimis Serici, cujus hic incredibilis copia.

ira publica,

Mores:

Opificia.
Victus.

Mercimonia.

K k k

TARTARIA,